

— *Brjef ráðgjafans fyrir Ísland til landshöfðingja um skólann á Möðruvöllum.* **53**  
 — Með þessu brjefi sendi ráðgjafinn eptirrit eptir samningi, er hann hafði gjört sama **26. febr.**  
 dag við Tryggva alþingismann Gunnarsson, um að byggja hús fyrir skóla þann á Möðru-  
 völlum, er getur um í lögum 14. desember 1877, og gat hann þess, að með því lögum  
 virtust gjöra ráð fyrir því, að búfræðingur sá, er þau geta um, búi á jörðinni Möðru-  
 völlum, hafi ekki þótt nauðsynlegt, að láta vera fleiri herbergi í skólahúsinu, en Klentz  
 timburmeistari hefði stungið upp á.

Húsið á að vera 30<sup>1</sup>/<sub>4</sub> al. langt 13<sup>2</sup>/<sub>8</sub> al. breitt og 11<sup>3</sup>/<sub>4</sub> al. hátt með helluþaki,  
 tvíloftað, múrað í bindinginn og klætt að utan með borðum. Undir neðraloptinu 3  
 íbúðarherbergi, eldhús og búr, 2 kennslustofur og dyr. Undir efraloptinu 2 kennslustofur  
 2 svefnhús og framloft. Undir húsinu á að vera kjallari, minnst 6 álna langur og  
 breiður og 3 álna hár. Tryggvi alþingismaður hefir skuldbundið sig til að koma upp  
 húsi þessu að öllu leyti innan 1. dags desbrm. þ. á. fyrir 27,400 kr.

— *Brjef ráðgjafans fyrir Ísland til landshöfðingja um skírn á börnum* **54**  
 mormóna. — Út af því að 2 mormónar á Vestmannaeyjum hafa neitað að láta **12. marz.**  
 skíra börn sín, nema því að eins, að þeim verði skipað það samkvæmt lögum, hafið þjer,  
 herra landshöfðingi í þóknanlegu brjefi frá 5. október f. á. og út af fyrirspurnum, er þar  
 um hafa komið frá biskupi, skotið því til úrlausnar ráðgjafans, hvornig eigi að fara að í  
 þessu tilfelli.

Fyrir því er eigi látið hjálíða að tjá yður til þóknanlegrar leiðbeiningar og frekari  
 birtingar, að þegar báðir foreldrarnir eru mormónar og óska ekki að láta skíra börn sín,  
 verði þau, að álitu ráðgjafans, ekki skylduð til þess. Þar á móti ber að leggja fyrir þá  
 að gefa hlutaðeigandi presti skýrslu um fæðingardaga barnanna og nöfn þeirra.

— *Brjef landshöfðingja til amtmannsins yfir norður- og austurumdæminu um* **55**  
 landhelgisbrot ensks fiskiskips. — Með þessu brjefi var skýrt frá borg- **31. marz.**  
 un ávísunar, er formaður ensks fiskiskips hafði gefið út á útgjörðarmenn skipsins fyrir  
 200 kr. sekt, er nefndur formaður hafði verið dæmdur í með dómi sýslumannsins<sup>1</sup> í  
 Suður-Múlasýslu frá 28. ágúst f. á.

— *Brjef ráðgjafans fyrir Ísland til landshöfðingja um viðgjörð við kirkju.* **56**  
 — Jafnframt því að senda erindi amtmannsins yfir suðurumdæminu með 2 fylgiskjólum, **17. apríl.**  
 hafið þjer, herra landshöfðingi, í þóknanlegu brjefi frá 9. janúar þ.á. lagt það til, að leyft

1) Í skýrslu sýslumannsins 4. september 1878 um málið, segir meðal annars: „Þegar her-  
 skipið Fylla kom hingað 27. f. m. hafði hún með sjer enska fiskiduggu að nafni „Cleaner“ L. O. 208.  
 skipstjóri William Hemmings, sem hún hafði tekið fiskandi í landhelgi; var svo höfðað lögreglumál gegn  
 skipstjóranum; kannaðist hann og fólklið við, að þeir hefðu fiskað í landhelgi, en báru fyrir sig, að sjer  
 hefði ekki verið kunnugt að slíkt væri óleyfilegt. Var svo skipstjóri dæmdur til að borga 200 kr. í sekt  
 til landssjóðs.

Hinn 23. maí 1879.

**56** 17. apríl. verði að viðgjörð við kirkjuna á Vestmannaeyjum, sem er eign landssjóðs, megi fram fara á yfirstandandi vori, og að greiða megi af tekjum kirkjunnar kostnaðinn við þetta, en hann mun samkvæmt áætlun er gjörð hefir verið, nema 166 kr.

Út af þessu leggst jeg eigi undir höfuð að tjá yður þjónustusamlega til þóknanlegrar leiðbeiningar og ráðstöfunar, að tillögur þessar eru samþykktar.

**57** 17. apríl. — *Brjef ráðgjafans fyrir Ísland til landshöfðingja um embættisveitingu.* — Í brjefi þessu kemst ráðgjafinn meðal annars svo að orði út af veitingu á Ísafjarðarsýslu: „Jafnvel þó ekki hefði þótt neitt athugavert, í líkingu við það, sem áður hefir átt sjer stað í slíkum tilfellum, að koma fram með allraþegnlegasta tillögu um, að Stefán sýslumaður Bjarnarson mætti álitast, sem ekki skipaður sýslumaður í Árnessýslu, hefir ekki orðið tekið tillit til bónarbrjefs hans, þar eð beiðni hans um embættið var skýlaust bundin því skilyrði, að nýtt veitingarbrjef yrði gefið út handa honum og launin reiknuð eptir 4. og 5. gr. í lögum 14. desbr. 1877; en það hefði verið að fara í kringum ákvarðanir 7. gr. laga þessara, ef þetta hefði verið veitt, eins og það einnig hefði getað haft afleiðingar í öðrum tilfellum.

**58** 17. apríl. — *Brjef ráðgjafans fyrir Ísland til landshöfðingja um hitavjel í dómkirkjuna.* — Í þóknanlegu brjefi, dags. 22. f. m. hafið þjer, herra landshöfðingi, sökum beiðni, er komið hafið frá dómkirkjuprestinum í Reykjavík, lagt það til, að nú, er stendur til að gjöra við nefnda kirkju, verði meðfram sjeð um, að hún verði upphituð og í því skyni settir í hana tveir ofnar af hæflegri stærð og fyrirkomulagi svo og hitapfur o. fl. allt samkvæmt tillögum er samdar hafa verið, af yfirsmiðnum yfir viðgjörð dómkirkjunnar. Mælist þjer því til þess, að yður verði falið á hendur að semja við yfirsmiðinn um að útvega hina nefndu ofna með öllu sem þar tilheyrir og að framkvæma vinnu þá, er stendur í sambandi þar við, fyrir allt að 2000 kr. af upphæð þeirri, sem ætluð er dómkirkjunni til viðgjörðar.

Þar eð ráðgjafinn hlýtur að fallast á það, sem þjer, herra landshöfðingi, hafið tekið fram um að slík ráðstöfun eigi vel við eptir því sem nú er á statt, læt jeg eigi undanfalla þjónustusamlega að tjá yður til þóknanlegrar leiðbeiningar og frekari ráðstöfunar, að framanskrifaðar tillögur eru hjér með samþykktar.

Í sama brjefi getið þjer, herra landshöfðingi þess, að tilefni gæti verið til að útvega uppdrátt og áætlun um alþingishús, er meðfram mætti koma stiptsbókasafninu og forngripasafninu fyrir í, og að leggja fyrir alþingi það, sem kemur saman í ár, uppástungu um að veita fje það, sem þarf á að halda til að reisa slíkt hús fyrir, og skal yður því jafnframt þjónustusamlega tjáð, að þjer megið búast við nánari tilkynningu um þetta.

**59** 17. apríl. — *Brjef ráðgjafans fyrir Ísland til landshöfðingja um póstgufuskipið „Díónu“.* — Út af umkvörtunum þeim, er fylgdu þóknanlegu brjefi yðar, herra landshöfðingi frá 29. nóvember f. á. yfir því, að póstgufuskipið Diana hefði eigi á ferð sinni norðan um landið í septembermánuði f. á. komið við á Skagaströnd var skrifað innanríkisstjórninni, og hefir hún nú að fengnum skýrslum bæði frá skipstjóra nefnds póstgufuskips er þá var, premierlieutenant Wandel og frá sjóforingja Lütken, er leggur póst-